





卷之二

方輿志

鄉社

明初編二十四社永樂間增鮑遷高遷洪遷三社成  
化十八年增在坊張齊阜城三社宏治五年歸併  
阜城為二十九社嗣因民多散處併張齊於在坊  
併張遷於洪遷止二十七社今因之

在城社

除在城凡七村曰興仁村郭家莊王家莊  
戴家莊賈家莊北中委壘得

劉陀社

在城西南十里凡十村曰南劉陀北劉陀  
史家佐王各莊莊頭村得坎莊大宋李家

莊南中委  
南大留

小陳社 在城西北十三里凡四村  
曰小陳張村顏家莊陶墟

鄭村社 在城西北八里凡十一村曰鄭村西河村東  
北寺西北寺賀家營北大留大陳張村營

念家莊小王  
家莊高家莊

東和社 在城東北十五里凡十三村曰東河胡村  
何家莊南張北張窩東宋家莊趙鍛莊梁

家莊劉家莊東滑  
村中滑村西滑村

鄰德社 在城西北二十里凡八村曰林舖村宋家  
莊孫家莊楊馬莊新莊東車里營西車里

營潘

桑園社 在城北三十里凡四村曰桑  
園村桑園營楊家莊井家營

于八口社 在城東北四十里凡六村曰北于八口  
南于八口南蒲窪北蒲窪畫家莊李家

莊

萬安社

在城東北四十里凡六村曰萬安邱家莊蔡家莊井家莊新莊曹家莊

南宗社

在城東北二十里凡二村曰南宗新興

北宗社

在城東北二十五里凡五村曰北宗大崔家莊小崔家莊黃家莊劉銘莊

南許社

在城東北三十里凡六村曰南許武家營祁家口大柳樹南新莊北新莊

郭丹社

在城東北四十里凡八村曰北郭丹南郭丹北斗凹南斗凹輦家莊季家佐夏家佐

尹家佐

百尺社

在城東北三十里凡五村曰大百尺小百尺南許河村北許河村榮家營

福興社

在城東北二十里凡三村曰南沙口北沙口魏家佐

玉田社

在城東北四十里凡十一村曰南玉田北玉田荆邱南齊村北齊村陵羊村東魏家

佐東趙堡村南趙堡村北趙堡村周家新莊

緒口社

在城東北六十里凡十四村曰東緒口南緒口北緒口新橋布里大曲隄小曲隄麗

家莊小王新立莊耿家莊卧牛莊高佐陳閭營

劉氏社

在城東四十里凡十八村曰東劉氏劉家營王家營周家營繆家營臧家營東連子

口西連子口南連子口北連子口中連子口大王村小王村杜家莊朱家佐團丁村

劉佃莊東齊家莊

馬家佐社

在城東三十里凡十五村曰馬家佐張家莊東侯佐西侯佐榆林村悟二頭李

家佐陳留佐中白樓南白樓北白樓北五夫東戴家莊東曹家佐西曹家佐

五夫社

在城東二十里凡十村曰中五夫東五夫南五夫西五夫趙家莊賈瞳劉村隨東村

馮郭莊齊家營

鮑墟社

在城東二十里凡五村曰鮑墟李崗褚崗南高王北南王

孟嘗社

在城東二十里凡九村曰東孟嘗西孟嘗中孟嘗野陳佐宋崗蘭崗滑崗南陳村北

陳村

高晃社

在城南十五里凡二十二村曰南高晃北高晃張家莊旺興莊常興莊福興莊辛家

莊八里莊賈家莊段家莊東柳青莊西柳青莊大北河小北河薛家莊李家陀黃家

莊劉家壘東魏村南莊村道西村張齊屯

洪善保社

在城東南三十里凡十村曰洪善保扈家營花園頭劉家佐符家佐林里五坊

中堰南堰後劉氏

在坊社

在城西南十五里凡四村曰張齊村齊村泊莊賈莊村民多散處

洪遷社

在城東南三十里凡三村曰北堰頭村南劉氏村七器村民多散處

鮑遷社

在城東二十里凡二村曰仇村前劉氏民皆散處

明知縣李復初曰洪惟祖宗之制十家爲甲十甲爲里里置十長分統百家丁出於斯賦出於斯均齊寬裕真治天下之大經大法也承平日久逃亡遷移或甲存而家不滿十里在而戶不滿百豐大之里時或踰制往往有之如蠶之張齊在坊高遷洪遷鮑遷尤不及洪善保孟嘗高晃十分之二三而征求之令或欲齊之民何堪哉歸併之政通融之法大爲民便而又每奪於增戶口之說是未知王成之僞君子所恥也民受其虐亦何忍耶

四鄉



東翠紅鄉西白樓村是也昔民韓宏道富而疎財年  
老無嗣買妾已孕復逐之生子養於他家尋復爲  
嗣以此名鄉

西博陵鄉西近博陵因此名鄉

南齊望鄉漢光武撫巡河北其將齊蓋迎望於此因  
以名鄉

北五侯鄉五侯相傳謂漢王商王根王譚王音王逢  
時按綱目五侯乃元城人爲此說者蓋因蠡吾王  
商誤也按水經註北平侯王譚不同王莽之政子  
輿生五子避時亂隱居易水西山谷中光武卽位

封爲五侯元才北平侯益才安喜侯顯才蒲陰侯  
仲才新市侯季才唐侯所謂中山五侯也蠡近中  
山此或近之

錢天錫曰古者比閭族黨州鄉卽伍兩卒旅軍師  
六軍之兵止於六鄉六鄉治之本也管子制國以  
爲二十五鄉高子國子退而修鄉五屬大夫退而  
修屬屬退而修連連退而修鄉故順州里定厖宅  
養六畜間樹藝勤教化趨孝弟以時順修鄉師之  
事也後世兵典辰分而修鄉之制廢今當捨攘倥偬  
之日鄉兵與營兵並重以守則固以戰則強豈直

興賢能書道藝已哉漢有鄉公鄉侯鄉佐鄉嗇夫  
游徼之吏於詰盜勸農尤所重南陽太守召信臣  
出入阡陌止舍鄉亭希有安居太常博士史靖條  
陳養生送死之物追風立社之資並令收積經營  
蓋爲民區畫如此其周也漢昭五年兗州刺史洪  
賞禁民私所自立社今社皆公家所置第使供催  
科給郵傳厭焚林渴澤之求而不一圖其利病可  
乎至元中縣邑所屬村疇凡五十家立一社擇高  
年曉農事者一人爲之長其合爲社者仍擇數村  
之中立社長官司長以教督農民爲事凡荒閑之

地悉以付民有蟲蝗遺子者多方設法除之至大德復申力田之賞嚴畜牧損禾稼桑棗之禁民以家給今歲比不登明詔賜種食撲蝗蝻費且不貲保能徧暨村落乎我有四封而詰其盜何故不能蘇子瞻稱百姓自相團結爲弓箭社推擇家資武藝衆所服者爲社頭社副錄事有警擊鼓集衆頃刻千人驍勇敢戰緩急可用使州縣逐處皆有弓箭人戶致命盡力何至捕盜官吏拱手相視卽以鞭笞賊盜猶甚呼庚之衆萬萬也蓋自漢景帝痛民多乏食郡國或磽陁無所農桑敷畜或地饒廣

薦草莽水泉利聽民徙之洪武中戶部郎劉九皋  
言古者令狹鄉之民得遷於寬鄉欲地不失利民  
有恒產也子初至蠡卽有成城之役蠡社洪善保  
可抵博野一邑民多逃亡受功甚多無可移諸它  
社者子竭貲代築不煩一畚一甓與洪遷鮑遷盡  
弛其役在坊高晃則弛其半次年雖旱甚而數社  
猶爲稍入至今洪善保遺黎盡復業云於戲民不  
堪重傷力不可再困以催頭而當馬遞疲於奔命  
矣輪甲應辦亦勞逸相代之策乎津豆輸輓改歸  
保鎮服箱之困可紓卽不然徵貴徵賤本折因其

低昂何不可爲憚人寬一日之力也古者公旬不  
過三日今一有力役則各社辦磚灰買木植僱人  
夫而歇家且三倍取之民其無如何矣予痛革其  
弊悉受直於官當與諸守宰共遵焉

### 市集

在城月遇五日在正街南北兩截相遞李復初添遞  
北關作三截俱大集二七日衙前小集今改每月  
十日集在北關每月五日集在南關二七日集在  
大街

百尺月一六日

小陳月三八日大集

劉家疇月一六日

鮑墟月一六日

孟嘗月二七日

今改五十

洪善保月四九日

楊家莊月二七日

隨東月二七日

今無

西五夫月四九日大集

東和月五十日

新興月四九日

今改三八

鄭村月一六日

南許月四九日

郭丹月一六日

荆邱月三八日

萬安月四九日大集

新橋月二七日

李家莊月三八日

北劉氏月二七日

東連子口月三八日

緒口月四九日

東五夫月五十日

錢天錫曰按縣志舊規各市有月稅知縣李復初  
革之可謂除民間之一蠹矣後河間府推官楊旦  
具申此係民間小利不宜徵都御史許公宗魯案  
驗又通行免徵止有課程鈔八千一百六十五貫  
八百六十四文比年以來復有義兵錢不下四十  
萬不知誰爲厲階近以縣役工食不足難罷其徵  
然非義也烟火漸盛將緡錢益增然歲事稍復則  
苛徵宜革

風俗

臨城四野地址坦平

圖經

地勢廣闊民物蕃庶

方輿志風



土多寒士輕生而尚義有荆軻之遺風經男務農桑

女勤織紵服飾婚喪俱崇朴素雖大族亦不違俗縣志

志 俗產英才士無奇貨府舊志 民俗慎伎好氣鄙朴少

禮文好射獵班固志 冀幽之士鈍如椎後漢書 俗重氣俠

好結朋黨隋志 多感慨悲歌之士韓愈文集 沉鷲多材力重

許可杜牧文集 自古號多豪傑蘇軾文集 稍事詩書之業略無

僥競之風宋劉溟記

錢天錫曰天道三十年而一小變王者必世而後

仁故有苦心以變頽風亦有高拱以成末俗者班

孟堅謂上谷之地為盜犯禁寢多至六十餘條亟

亟於仁賢之化而漢末治冀州者多以搏擊爲能  
至魏武下令謂其俗父子異部更相毀譽直不疑  
無兄世人謂之盜嫂第五伯魚三娶孤女謂之搃  
婦翁王鳳擅權谷永比之申伯王商忠義張匡謂  
之左道欲整齊風俗先除四者乃自予按部以來  
士子恂恂以文爲贄吏民凜凜以法自繩其背公  
植黨作奸犯科者他邑偶有之而蠶不概見也歲  
比不登然有饑寒之盜無倡亂之盜有閭里之奸  
無郡國之俠亦未聞有父懲其子兄訐其弟者豈

非召弋三輔之風遠軼季漢者哉夫瘠土之民莫

不思善勞也長人者因其勢而誘進之薪樵諸生  
甄陶庶類當不以筐篋簿書易化導矣

祖建明日余臨蠡觀風四境第見風土肥饒俗尙  
醕篤人多慷慨之氣物有茁葭之形民朴茂寡文  
不修詞色士純正守規無事浮誇男耕桑而女紡  
織樂乎本業人第以燕趙目蠡豈知其有陶唐氏  
之遺風哉

方產

穀類多黍多稷多麥多粟多豆多葛多芝蔴有秫有  
蕎麥有蔴子

菜類有絲有棉有絹多布平機嘉有蔴二種

木類有桑多柘有松栢有槐多榆多柳多青楊白楊

有椿多柅有杜有杞有穀楮有辛夷有紫荆有枳

有槭棘

果類多梨嘉有桃有杏有栗有棗小者甘有李有胡桃

有沙果有枇杷有蘋果有櫻桃有榴有葡桃有榧

有柰虎喇賓甜果有椒有萹有無花果

蔬類有蘿蔔菠菱蒿苣白菜薯蓮藤蒿有芥多蒜有

蔓菁香椿有瓠有菜瓜有王瓜絲瓜西瓜東瓜甜

瓜有葱有韭有薤有茄多芹有葫蘆有芡有扁豆

黃花蘑菇莧菜山藥土豆玉環

花類有菊有葵有牡丹芍藥有雞冠玉簪石竹謖草  
金雀扁竹朝陽月季丁香迎春金盞夜落金錢山  
丹卷丹盆草水蓬荷花茨美花串枝連鳳仙花木  
槿十樣錦

藥品有地黃半夏杏仁蒼耳葶麻車前子枸杞子桑  
白皮兔絲子麥門冬小茴香艾葉菖蒲紫蘇益母  
草蓖麻子

草類多莠多蒿多苜蓿有水葱有三棱有茨有蘆葦  
有蓼有盤草線草水荻栢草蒺藜吉祥

畜類有馬有牛多羊有騾多驢多犬多豕有猫

禽類有鵝有鴨有雞皆畜有鴻鴈有鷹一日鴟鳥陸機疏爾雅云隼鷃

屬也春化為布穀蠡止有野鷹攫肉掠雞雛有鷓不可畜也其畜以待獵者皆於山中市之

一名負雀人畜以捕雀不能獵雉兔鳩三雛一有鷓鷓南北皆然郭云南方無鷹呼此為鷹者誤

鷓爾雅註鷓也莊子則云鷓為鷓鷓為布穀久復為鷓此物變也有鳩有倉庚有

屬玉鷺鷥一名春鋤蠡北有雉有鶯有布穀有鵲村莊多於樹上伏雛

有馵有烏有鷓有鴿有鴛鷓鷓又名鷓鷓又有黃雀有鳧

獸類兔狼狐獾鼠狸田豕

鱗介類有鯉有鯽有鰕有鼈有蚶蝸牛一名有蜃蟻

蟻蟻

虫類有蠶有蜥蜴有蟋蟀多蟊有螂蛆多服翼多蜂

有螟蛉多毒蛙多蝮蟪蛄有蟹有蟾有蟾有蟾有蟾

有蟻多蚪斗有螫有蟻有蟻有蟻魚多蚘蛭多蚊多

蟲有蟬蝻有蟻有蟻有蝶有蚯蟻多蠅有蠅虎

多蠶多蠟有蠟虎多蜉蝣有蜘蛛有蛇有蠟蟻有

蠟蟻

貨有硝出在城劉陀鮑墟劉氏有鹹出隣德社民多

小鹽色白味甜可食

錢天錫曰職方氏掌天下之地辨邦國都鄙九穀

六畜之數并州畜宜五擾穀宜五種今止有黍稷

菽麥耳無論涑易諸浸雄安諸淀卽蠶之東偏亦

多汙水停滯第共其葦事而稻不遺種乎說者謂  
東南專重秔稻西北雜植諸穀然古制亦嘗參植  
以防水旱擇民田高仰者蒔早稻祥符中行之矣  
誰思勸農殖穀當九河之流而瀦防不具芟夷罔  
効使民無以趨澤邪昔人謂燕趙古稱雄富而今  
遠漕數千里之粟近棄可耕之地使畿田一望葦  
葦海塹率成沮洳是西北之地利未盡墾也予獨  
爲蠡惜哉不甯惟是棗栗之饒比於天府放豕之  
歌起於鉅鹿馬之所生實在冀北自古記之矣冀  
遂勸民農桑令口種榆一株薤百本葱五十本韭



一畦家二母彘五母雞黃霸使郵亭鄉官皆畜雞  
豚以贍鰥寡貧窮者務於耕桑節用殖財種樹畜  
養具爲令民有孤獨死無以葬者鄉部書言霸具  
爲區處某所木以爲棺某亭豚以爲祭其精詳如  
此況蠶當百物凋耗采橡栗剝榆柳之後乎若樊  
恭侯池魚牧畜有求必給嘗欲作器物先種梓漆  
積以歲月皆得其用貲至巨萬賑贍鄉閭郤左丞  
養雞種蒜竭其方術三年得馬八匹武侯以桑田  
十五頃贍子弟衣食不以食祿之家禁樹畜陶土  
行兼領八州布澤懷邊望隆分陝以畷薤留白稱

嘆元規云非惟風流兼有爲政之實固知生聚教  
訓民牧實有專責樹藝之與稼穡六畜車輦之籍  
與人民田萊之數未聞偏舉廢也則累代種蒔之  
法孳畜之議勸課之効第秩之等與國初桑棗之  
令具在

古蹟

大宋臺

在城西南五里大宋村之東南高二丈有奇上有  
清涼寺山門南向可以遠眺四圍榆柳叢集古栢  
翠樹其左个佛經萬卷經櫃森陳見者莫不驚爲

別是人間一洞天也高陽王荔有詩云碧天涼雨  
小春時殘菊疎籬壓故枝雁抵衡陽隨暖翼水凝  
河北起寒澌憶誰同上清涼寺老我重遊大宋陂  
回首含情增感慨百年健興獨心知

明兵備道錢公有記云崇禎辛巳六月望前再霑  
甘雨良苗懷新予以巡農出郭經行阡陌之間與  
荷鋤載筐筥者趾相錯也已而登大宋臺小憩清  
涼寺臺下黍稷蕤蕤尺許秫苗三尺以上蓋井泉  
所注故在陸壤之中有厭其傑信灌溉之利大也  
臺名大宋蠡有大宋村博有宋村志不載其所自

二宋同舉天聖朝大宋自知制誥除執政皆京朝  
官小宋景祐中以禮部侍郎徙知定州上言天下  
根本在河北河北根本在鎮定請合鎮定爲一路  
勿使契丹搖尾垂涎深趙邢洺之間有昨脆擣虛  
之憂蓋自唐以定之義興置蠡州今定蠡犬牙相  
錯子京留心險要於鎮定屯寨山川無不經歷此  
臺必其嘗登陟者矣寺貯藏經二十四橱當典籍  
焚燬之日巋然獨存亦佛力之所護持也因諭寺  
僧嚴扃鑰云

百尺臺

天人間一闕天也高也

在城東北三十里百尺村之北高五丈有奇上有  
太山行宮玉帝高閣蒼松古栢樓臺峻嶸饒有山  
林氣象人殆不可以不至此也王荔有詩云高臺  
敞望海天空淡淡雲光是處同嶽勢迥連青漢外  
晴嵐低壓蜃樓中松煙翠出峯巖月洞口香生草  
木風萬古巨靈齊魯在乾坤此鎮濟河東 層臺  
直上景依依猶憶西巖近採薇殿閣空連鐸欲語  
檻欄平護鳥低飛望隨遠樹窮雲嶺坐愛高風入  
葛衣回首壯懷今老大青山綠野共誰歸 北泉  
有詩云燕臺三月怯風寒重幕肩輿尙覺單萬井

人煙春樹綠千尋樓閣午雲丹管絃齊奏天邊樂  
禾黍平鋪夕下餐安樂窩看真咫尺百年事業此  
儒冠 安州守樊鵬有詩云殿廂層霄立臺孤百  
尺攀浮雲襟易水落日俯燕山古壁丹青剝重關  
草木閒高人室甚邇留賦慰秋顏 安州守鄭朝  
輔有詩云頻年奔走風塵際疎懶蕭然欲卧遊對  
百草堂斜徑曲關心雲石遠山幽香殘芍藥階容  
瘦影動薔薇午色悠暫託僧房留信宿圍碁對酒  
一忘憂

城內西北隅水甘冽雖旱不竭昔云有雲氣上浮  
城上有龍女廟遇旱禱雨輒應

龍泉

仇村龍泉寺內昔云井有雙魚遇旱焚香濬之見  
魚卽雨知縣吳堂立石表其靈異

甘井

在儒學西其水甘美汲者甚衆知縣吳堂築之立  
石於側

龍淵

在鮑墟社相傳謂有龍潛於中歲旱有禱每應其

淵雖旱不竭

影三郎

在城北十里許四陵相近遠觀惟見其三

五龍宮

在城西隅三里南中委村東前有池名爲聚龍池  
此宮作於庚寅之五月乃僧人寂旺疊經夢警神  
常告僧曰我輩五人欲潛居於此爾其爲我室僧  
究其原乃五龍神也且曰前居城北賀家營僧覺  
而謀諸施主賈劉二生遂發心募化知縣祖建明  
倡施銀三兩兼課其成厥宮告竣二麥成熟秋禾



盡登此神之靈應也

侯世故城

在縣東北水經注滷水又東北逕侯世故城南

郭丹城

在縣東北四十里九域志宋與契丹築以約和又名和甸

溫涼碑

北堰村西北舊有齊家墳歷年無人祭掃而墓形高聳絕少塌陷痕墳前有碑係前明齊沈氏貞節墓誌是碑也冬撫之則溫夏依之則涼石紋細緻

光可鑑人或曰是石之異也或曰是氏之靈也遂相傳爲溫涼碑云

孝婦井

在劉村西偏相傳某氏婦孝其姑日爲姑行汲於數里之外後歸甯父訝其憔悴具以告父乃爲之鑿此井輕輦甘滑甲於諸泉遂名之曰孝婦井

化山

在南劉陀村南水坑內現青石一塊形狀古怪掘之無根相傳爲飛來之石故名化山

八景

紫薇烟雨

餘姚邵曦詩云名山雄鎮蠡吾封烟雨宜時順化  
工溼重巖花春漠漠潤滋崖樹晝濛濛千家盡在  
涵濡裏萬物咸資灌溉中曾爲勸農經此過馬前  
罨靄失西東 王荔詩云隄橫烟吐紫薇波地溼  
莎青傍古河氣逐滄瀛連海底霞拖易水出龍窩  
飄搖虹色隨風遠杳渺嵐光入暮多燕趙此中瞻  
北極紅雲晴日廻鑾坡

浮圖晚照

邵曦詩云縣城西畔梵王宮高塔千年夕照中孤

影亭亭隨日轉危簷疊疊映霞紅佛光晃曜黃金  
像天樂鏗鏘寶鐸風衲子登臨猶未暝忽驚靈唄  
在虛空 王荔詩云層簷曲磴俯城濠一柱擎天  
北望高瞻仰心飄三島勝登臨氣壓五陵豪空中  
鈴語傳千里天外鶴鳴下九皋夕炤影移僧寺裏  
半隨星月上緇袍

佛獅奇形

知縣姚汝明詩云法相巍巍峙太空渾金體質顯  
神通佛連寶獸光千尺獅負蓮臺殿九重奇怪天  
成壯祠宇輝煌道妙甲寰中原來景色傳西國河

蠡流形鎮大雄舊志此條作爲城土蒸潤按東坡  
送梁左藏赴莫州詩有蒸土爲城鐵作門之句今  
莫城故址在任邱蠡特其境耳此城原非莫城也  
姚汝明易之以今名邵曦前曾有詩云蠡吾祚土  
昔封侯高築層城奠此州雉堞參差連碧落蛇隍  
迢遞接瀛州雨餘土氣千家潤日出晴光百尺浮  
從此居民皆樂業至今懷德起歌謳 王荔詩云  
趙北燕南臨是地遙岑遠水見重城樓開四面隨  
時色夜入千門落市聲土築春蒸陽氣在鐵錚關  
鎖瑞光生明時四塞息烽火迢遞雲山萬里晴

古陵相影

邵曦詩云四陵隱約知誰築近顧遙瞻只見三詞  
客驚聞頻駐馬行人閑數屢停驂光陰歲歲成陳  
迹烟雨年年長翠潭傳說晏嬰曾葬此臨風懷古  
意何堪 王荔詩云閒來訪舊故鄉遊望裏雲橫  
有四坵壘壘風高成掩蹀濛濛露起對沉浮傳云  
築此同兄弟特立依誰歷夏秋恍惚諸郎今跡在  
月明風靜野林幽

神井陰雲

邵曦詩云神功開此出天然玉甃虛明一鏡圓雲

氣陰陰寒欲雨澄光湛湛煖生煙從龍曾赴商巖  
禱入品當書德裕篇試汲一瓢烹鳳髓清甘絕勝  
惠山泉 王荔詩云城頭樓角立神祠廟貌邑侯  
祀歲時龍母有靈致雲雨田園霑漑沃膏脂柳圍  
雉堞黃金鎖水繞關橋碧玉池落日黃昏當鼓角  
風雷長震近城隄

孟嘗懷古

邵曦詩云周室衰微已解蹤使君先得相秦中三  
千賓客今誰在百二山河霸業空濯濯狐裘憑狗  
盜重重函谷有雞通英風盡逐西風散遺址淒涼

野燒紅 王荔詩云孟嘗莫弔田公子車馬蕭條  
世故移關出雞鳴托劍客塚荒落木泣童兒強齊  
固自興王地得土虛當決勝時日暮風悲有遺恨  
寒雲衰草正萋萋

博陸靈祠

邵曦詩云靈祠翼翼古城邊父老香烟尙儼然形  
畫麒麟昭德業功銘彝鼎著才賢生前拜相匡三  
主沒後夷家只四年此日漢宣恩義盡英雄過此  
至今傳 王荔詩云曾於青史重名留廢苑荒田  
傍古邱畫入元功惟著姓貴同諸呂至封侯昭宣



代立能興漢旦奭爲謀侶佐周共說韓彭堪淚落  
邱原常與數公遊

龍淵感應

邵曦詩云蠡吾東滙古龍淵神物誰知此地眠吐  
氣成雲身久隱噴山作雨候無愆甲鱗奮起搖青  
浪頭角崢嶸上碧天海宇豐登資利澤四民樂業  
慶逢年 王荔詩云仇村寺內八角井磷磷玉瑩  
映琉璃奮髯雲罩千重嶺矯首烟迷萬頃陂啣燭  
幽州無暗谷爲霖聖代息炎曦百丈龍淵底莫測  
清冷元有碧泉知

陵墓

博陵

在縣東二里見侯籍志王荔有詩云故國蕭條縣  
地東博陵原上動淒風千年遺址明時在一代宗  
祧漢世同斜徑草衰秋色裏廢臺鴉聚暮烟中咸  
陽附葬遙相望雲護猶疑共遠空

樊將軍墓

在南莊村有大塚俗呼爲樊於期墓舊有廟碑俱  
廢考於期蠡之南莊村人素善荆軻荆軻函首詣  
秦其遺骸葬南莊村立祠祀之明兵備道錢天錫

過易水有詩云燕丹畢命樊於期一言足感軻漸  
離不遇血性真男子事君交友空爾爲

### 孟嘗君墓

在孟嘗村有廟有墓說見山川志明兵備道錢天  
錫詩有高臺旣已顛曲池旣已平墳墓生荆棘牧  
豎遊其上之句固不必過薛城而拭淚也

### 杜如晦墓

在大宋村有碑銘近廢如晦本京兆杜陵人從葬  
太宗茲云墓在蠡邑不知所考

### 晏嬰墓

在城東滑村南或云在鄭村北卽影三郎未知孰是錢天錫曰出蠡郭翁仲卧隴畝間不知其爲誰氏也居民穿穴得古瓠斲不知其爲誰氏之藏也晏嬰家在營邱生居近市死葬近城蓋政在家門故儉以矯世裔孫晏謨之對當矣蠡自漢桓帝以來無論東園玉匣而從封從龍之貴戚造塋制築神道其侈大豈顧問哉易世而後縱橫狐兔卽僅有存者亦不標其名而竟以歿不擇地之晏子代之然則五侯四貴不過同草木腐朽耳此顏觸所以重死士之壟也

關內侯齊蓋墓

在五房村東北八里許侯有五子因以五房名村  
尙書馮貫墓

在大百尺村北三里許明成化十一年勅修賜祭  
都御史王道墓

在東北寺村東三里許宏治九年勅修賜祭  
都御史劉瑀墓

在北中委村南一里許宏治十七年勅修賜祭  
都御史張貫墓

在北大留村南一里許正德十三年勅修賜祭

侍郎丁鳳墓

在窩鋪村東一里許正德十四年勅修賜祭

侍郎馮蘭墓

在百尺村北三里許嘉靖十七年勅修賜祭

僉事施信墓

在城東北里許有碑記

僉事陳善道墓

在城北里許有碑記

鍾善人墓

在劉家營村南隄內墓旁有碣題曰鍾善人墓名

字弗傳里居失考而事蹟更無從查訪矣墓距河  
數尺許伏秋水勢洶湧隄身均有損壞獨至善人  
墓前則浪靜波平永無冲决之患至今巋然獨存  
豈生前有實行而歿後猶著靈異歟

坊表

明

太卿坊

為馮貫立

繡衣第

為韓春立

都憲坊

為王道立

都憲坊

為劉瑀立

卷之二

坊表

坊表

三

世科 為張居仁立

開先 為崔翔立

進士

都憲 俱為張貫立

進士

司勳第 俱為馬蘭立

經元

諫議 俱為崔三畏立

清要 為和遜立

鵬搏 為孫哲立



書榮

為陳傑立

登雲步月

為吳瓊立

登瀛

為崔岑立

書香

為齊壽立

解元

為王紹宗立

鵬搏九萬

為呂憲立

貢坊

為沈立

烈女坊

為劉葡立

兩朝寵命

優旌坊

俱為封君王紫雲立

天曹人鑑為王宗義立

經魁第為劉廷芳立

死難忠義坊

死難烈女坊

二坊明易州道廣乘劉君所置兵備道錢天錫檄

縣動馬價銀五十兩立祠以旌戊寅之殉城者

七世五世坊表

黃玉清南黃家莊人五世同堂二次嘉慶二十年奏

請

旌表

恩賜七葉衍祥匾額黃緞銀兩建坊

子復禮等二人孫璞等二人曾孫金容等

二人元孫鳳儀等三人五世孫茂陵等二人六世孫春和

吳躍龍曹家莊人五世同堂嘉慶二十四年總督方

奏請

旌表

恩賜五世其昌匾額黃緞銀兩建坊

子印一等二人孫鏡齡等七人曾孫成章

等十一人元孫其昌等三人

張王氏北五福村已故監生

誥贈中憲大夫張琴

之妻五世同堂奉

旨旌表

恩賜祥開五葉匾額黃緞銀兩建坊

大學士直隸總督一等伯

臣

李鴻章片

奏再前准禮部咨據吏部主事任漣爲蠡縣壽婦張王氏五世同堂取具同鄉京官印結呈請

旌表行令飭查核辦經臣行飭藩司轉據蠡縣舉人張宜

顯拔貢靳壽椿等稟稱屬北五福村壽婦張王氏係已故監生張琴之妻現年八十六歲生子恩貢候選訓導錫恩等四人孫邑庠生其濂等十一人曾孫優附生樹吉等十二人元孫同所等二人俱係親支滴派五世同堂由司查明詳請先行具

奏前來臣查該壽婦張王氏詩書世族巾幗完人凜節  
操於松筠祥徵壽考列廷階之蘭玉慶衍雲祚允宜  
曠典之特膺洵屬

熙朝之人瑞除飭取宗圖冊結咨部查照外理合附片陳  
明伏乞

聖鑒勅部照例

旌表謹

奏奉

硃批禮部知道欽此